

Қадыр Мырзалиев

22-июнь және 9-май

Ер азамат ерте өлуге зәру ме?!
Оған қызық өмір сүру арумен,
Бүгін бізді қорқытуға мүмкін бе
Неше түрлі жан түршігер қарумен?!

Бейбіт кезде,
Төрт құбылам тегісте,
Бізге, дұшпан,
 бола алмайсың сен үстем.
Советтерді қорқытуға мүмкін бе
Ойда-жоқта басталатын соғыспен?!

Алтын күммен еркелетіп нұрлы айым,
Армандаймыз баспаса деп жырды уайым.
Күткендерге жиырма екінші июнді,
Тоғызыншы майларымыз тұр дайын!